

Stadtarchiv Leutkirch

Kanzleiprotokoll 1627-1658 (Inv.Nr.115)

pag.59 10.11.1627

Hannß Schefoldt Rotgerber vnd Burger zu Leütkirch bekennt, dz Jacob Falch von Bibrach, dz Gerber Handtwerkh, drey Jahr An Ainander, negst vor dato verschie-
nen, Nach diser Statt vnd Handtwerkh gebrauch gelehrt, redlich außgelehrt, Sich auch wie Ainem fromen Lehr-
Jungen wol Ansteht erbarlich vnd recht verhalten, die Zunfft vnd Jne Lehrmaister, vmb die schuldigkeit ge-
bürlich bezalt, vnd Aniezo Ain guten redlichen wißent-
lichen Abschied genoßen, Zeugen Melchior Hartmann deß Rhats vnd Obmann, Hanß Brütscher deß Gerichts vnd
fürgesetzter Sechßer der Schuchmacher Zunfft, dahin die Gerber gehörig, Hannß Weckherlin Maister deß Rot-
gerber Handtwerks, alle Burgere zu Leütkirch. Actum
.10. Nouemb: Ao: 1627.

S: Hiero: Furtenbach Stattdāmar

pag.93 2.8.1628

Hanß Schefoldt Burger vnd Rotgerber Allhie bekennt, dz Balthus Weyß von Cronburg das Rotgerber Handtwerkh bei vnd von Jme .3. Jahr lang An Ainander gelehrt, redlich außgelehrt, sich wol vnd redlich verhalten, die Zunfft vnd Jne vmb Alle schuldigkeit außgericht, vnd Aniezo wißentlich abgeschaiden, deß seind gezeu-
gen Melchior Hartmann deß Rhats vnd obmann, Hanß Brütscher deß Gerichts fürgesetzter der Schuchmacher vnd Gerber Zunfft, vnd Hanß Weckherlin der älter Maister deß Rotgerber Handtwerks, Alle Burgere zu Leütkirch. Actum .2. Augusti Ao. 1628.

S: Hanß Hainz Stattdāman